



## Павел элшэнэй Коринф хотынхидто бэшэһэн хоёрдохи хандалга

**1** <sup>1</sup> Коринф хотын хүзэглэгшэдэй бүлгэм, Ахайяын нютагта байһан Бурханай бүхы хүнүүд, таанадые Бурханай эрхэ мэдэлээр Христос Иисусай элшэн болохоор дуудуулагдаһан Павел болон хүзэглэгшэ Тимофей мэндэшэлнэ. <sup>2</sup> Манай Эсэгэ Бурхан ба Дээдын Эзэн Иисус Христос таанадта үршөөл хайра, амгалан тайбаниие үршөөг лэ!

<sup>3</sup> Үршөөл буян хайрладаг Эсэгэ, элдэб янзын ушарта ханаа заһадаг Бурхан, манай Дээдын Эзэн Иисус Христосой Эсэгэ Бурхан үреэл магтаалда хүртэжэ байг лэ. <sup>4</sup> Элдэб янзын бэрхэшээлнүүдэй тудабал, тэрэ манай ханаа заһадаг, тиимэһээ ондоо зоной элдэб янзын бэрхэшээлнүүдтэ ороходонь, Бурханай маанадай ханаа заһадагтал адляар бидэшье тэдэ зоной ханаа заһаха аргатай байдагбди. <sup>5</sup> Христосой олон зоболонгуудые хубаалсаха тума бидэ Христосой ашаар Бурханай туһаламжада бүри ехээр хүртэнэбди. <sup>6</sup> Зоболон эдлэжэ байхадаа бидэ таанадай аша туһада, таанадыел абархын тула зобоно гээшэбди, Бурхан маанадай ханаа амаруулһандал адляар таанадай ханаа амаруулна, тиихэдээ маанадай эдлэжэ байһан зоболонгуудые гэсэжэ гарахынтнай тула таанадай ханаа амаруулна гээшэ. <sup>7</sup> Тиимэһээ бидэ таанадта бата найданабди, зоболонгуудыемнай хубаалсахадаа, таанад маанадтал адли ханаагаа амарнат гэжэ мэдэнэ ха юмди.

<sup>8</sup> Аха дүүнэр, Асиин можодо бидэнтэй ушарһан бэрхэшээл зоболонгууд тухай таанадта хануулха ханаатайбди. Тиихэдэ бидэ ханаагаараа аргагүй ехээр унажа, доройтожо, амиды үлэхэбди гэжэ найдахаяашье болёод байгаабди. <sup>9</sup> Үхөөбди гэжэ бидэ ханажа байгаабди. Тэрэ ушарһаа бидэ өөһэдтөө найдангүй, харин үхэхэн хүнүүдые амидыруулдаг Бурхандал ганса найдаха хэрэгтэй гэжэ ойлгообди. <sup>10</sup> Тиимэһээл тэрэ бидэниие тиимэ аюул үхэлһөө абараа, абаржашье байха. Тэрээндэл ганса найданабди, тиимэһээл тэрэ бидэниие дахин

абархал, <sup>11</sup> бидэнэй тулада танай үргэжэ байһан зальбаралнууд бидэндэ туһалнал. Тиимэһээ маанадта аша туһатай байһанайнь түлөө олон зон Бурханда баяр баясхалан хүргэхэл.

*Павелай түсэбүүдын хубилна*

<sup>12</sup> Энэ дэлхэйдэ байхадаа, илангаяа таанадтай харилсахадаа, бидэ Бурханһаа үгтэһэн үнэн сэхэ, арюун сэбэр ажамидалралтай байгаабди, һэшхэл бодолнайшые тэрэниие гэршэлнэ, тиимэһээл бидэ ехэл бахархадагбди. Бидэ хүнэй сэсэн ухаагаар бэшэ, харин Бурханай үршөөлөөр тиимэ ажамидалралтай байгаабди. <sup>13-14</sup> Таанадай уншаха, ойлгохо аргатай юумэнүүдыел бидэ бэшэнэбди. Мүнөө бидэниие бага зэргээр ойлгожо байгаашые һаатнай, хожомынь гүйсэд ойлгодог болохот гэхэн найдалтай байнаб, тиин Дээдын Эзэн Иисусай ерэхэ Үдэр таанад маанадаар бахархахат, харин бидэ таанадаар бахархахабди.

<sup>15</sup> Эдэ бүхы юумэнүүдтэ хатуу этигэлтэй байһан хадаа таанадай хоёрдохиео буян хэшэгтэ хүртэхын тула би түрүүн таанадта ошохые түсэблэжэ байгааб. <sup>16</sup> Таанадта дайраад Македони ошохо, тиигээд тэндэһээ бусаха замдаа дахин таанадтай уулзаха һанаатай байгааб. Тиигэхэдэмни таанад саашаа Иудей руу ябаха замдамни намайе бэлдэжэ үгэхэт гэжэ найдажа байгааб. <sup>17</sup> Энэ түсэбүүдни һэххи ябадал болоо гээшэ гү? Нэгэ хэлэхэдээ «тиимэ», нүгөө хэлэхэдээ «үгы» гэжэ хэлэдэг найдабариггүй хүн гээшэ гүб? <sup>18</sup> Бурханай бата найдабаритай байдагтал адляар минии «тиимэ» гэхэмни «үгы» бэшэ, харин тиимэ байдаг юм. <sup>19</sup> Ушарынь юуб гэхэдэ, Силуан, Тимофей бидэ гурбанай таанадта номноһон Бурханай Хүбүүн Иисус Христос «тиимэ» гэхэдээ «үгы» гэхэн удхатайгаар хэлэдэггүй байгаа. Тэрэ өөрөө Бурханай «тиимэ» гээшэ. <sup>20</sup> Тэрэ Бурханай бүхы найдүүлгануудайнь «тиимэ» гээшэ. Тиимэһээл Христосоор дамжуулан бидэ «Болтогой» гэжэ Бурханай алдарта айлрадхаа бэлэйбди. <sup>21</sup> Бурхан өөрөө Христосые та бидэнэй бата һуури болгожо табяа, илгажа абаа, <sup>22</sup> бидэн дээрэ тамгаа дараа, бидэндэ үгэхэ бүхы юумэнүүдэйнгээ бэлгэ тэмдэг болгон Нангин Һүлдые хайрлаа.

<sup>23</sup> Би Бурханиие гэршэ болгожо дууданаб, тэрэ минии һанал бодолые мэдэхэ. Таанадые хайрлаһандаа би таанадта Коринф ошохогүй гэжэ шиидээ һэнби. <sup>24</sup> Юундэ шүтэжэ байхыетнай таанадта зааха гэжэ бидэ оролдоогүйбди, таанадай хатуу этигэл хүзэгтэй байһые бидэ мэдэнэ ха юмди. Таанадай жаргалтай байхын лэ түлөө бидэ таанадаар хамта хүдэлнэ гээшэбди.

**2** <sup>1</sup>Тиимэһээ таанадта гашуудал асархагүйн тула би дахин таанад-та ошохогүйб гэжэ шиидээб. <sup>2</sup>Хэрбээ минии таанадые дахин гомдохооболни, намайе баярлуулха хүн танай дунда дахин олдохогүйл. <sup>3</sup>Дахин таанадта ошоод, намайе баярлуулха ёһотой хүнүүдһээ гашуудаха дурагүй байһандаал би түрүүн бэшэһэн байгааб. Минии баяртай байхада таанадшые булта баяртай байдагта гэхэн хатуу этигэлтэй байна ха юмбиб. <sup>4</sup>Таанадые гашуудуулха голхоруулхын тула бэшэ, харин хэды ехээр таанадта дуратай байһанаа мэдүүлхын тула би ехэл ханаа зобон, ехэл нулимсаа гоожуулан таанадта бэшэһэн байгааб.

*Гомдохоогшые хүлисэхэ тухай*

<sup>5</sup>Хэрбээ хэн нэгэн намайе гомдохообол, тэрэ хүн намһаа үлүү ехээр таанадые бултыетнай гомдохоогоо гэжэ хэлэбэл хэтэрүүлхегүйб. <sup>6</sup>Тиимэ хүниие хэһэн аргаарнь лэ олонхинойтнай хэһээбэл болохо. <sup>7</sup>Зүгөөр тэрэ нүхэрөө аргагүй ехээр уйдажа, сэдхэлээрээ унахагүйнь тула хүлисөөд, ханааень заһабалтнай таанадта дээрэ байха. <sup>8</sup>Үнэн дээрээ тэрээндээ дуратай байһанаа мэдүүлхыетнай таанадһаа гуйнаб. <sup>9</sup>Туршалгануудые хэр дабахатнай гээшэб, хэлэһэн юумэнүүдыемни ходо дүүргэхэтнай гү гэжэ харахын лэ тула би бэшээ хүнби. <sup>10</sup>Хэрбээ хэһэн муу юумэнэһинь түлөө хүниие хүлисэбэлтнай, бишые тэрэниие хүлисэнэб. Христосой урда таанадай аша туһада хүлисэхэ ёһотой бүхы юумые би хүлисэнэб. <sup>11</sup>Тиигэбэл сатана маанадые хууража мэхэлжэ шадахагүй. Бидэ булта тэрэнэй һанал бодолыень һайн мэдэнэ ха юмди.

<sup>12</sup>Христос тухай һайн мэдээсэл номнохоёо Троада хото ерэхэдэмни, Дээдын Эзэн бүхы хэрэгүүдтэмни урагшатай байгаа. <sup>13</sup>Гэхэтэй сасуу, тэндэ Тит дүүгээ оложо ядахадаа, би ехээр ханаа зобожо байгааб. Тиимэһээ тэндэхи зондо баярлаһанаа мэдүүлээд, Македони ошоһон байгааб. <sup>14</sup>Христостой хамтарһан маанадые илалтада хүргэжэ байдаг Бурханда баяр баясхалан хүргэнэб. Бурхан баһал Христос тухай мэдээе хангалтай үнэртэл адляар хаа хаанагүй маанадаар дамжуулан тараадаг юм. <sup>15</sup>Ушарынь юуб гэхэдэ, бидэ абарагдажа болон хосоржо байһан зоной дунда Бурханай ханаашалһанаар Христосой хангалынь болонобди. <sup>16</sup>Хосорһон зондо тэрэ хангал бузар үнэртэй байжа, үхэлдэ хүргэдэг, харин абарагдаһан зондо тэрэ хангал һайхан үнэртэй байдаг, амидарал үршөөдэг юм. Тиимэһээ хэн иимэ үүргэ гүйсэдхэхөөр бэлэн бэ? <sup>17</sup>Бидэ Бурханай мэдээсэл

номнон өөһэдтөө ашаг олодог хүнүүдтэл адли бэшэбди. Бидэ үнэн шударгаар ажалдагбди. Юундэб гэбэл, Бурхан бидэниие эльгээгээ, Бурхан манай гэршэ, тиин бидэ Христосой зарасанарбди.

*Шэнэ Хэлсээнэй зараса*

**3** <sup>1</sup> Бидэ дахин өөһэдыгөө таанадтай танилсуулха болоно гээшэ гүбди? Али зарим хүнүүдтэ адляар бидэ өөһэд дундаа магтан дурдахан бэшэгүүдые харуулжа байха ёһотой гээшэ гүбди? <sup>2</sup> Таанад өөһэдөө бүхы хүнүүдтэ уншаха ойлгохоор манай зүрхэ сэдхэлдэ бэшэгдэһэн бэшэг гээшэт. <sup>3</sup> Христосой өөрөө энэ бэшэг бэшээд маанадаар дамжуулһаниинь эли байна. Энэ бэшэг бэхээр бэшэ, харин амиды Бурханай Һүлдөөр бэшээтэй, шулуун хабтагайнууд дээрэ бэшэ, харин хүнүүдэй зүрхэ сэдхэлдэнь бэшээтэй юм.

<sup>4</sup> Бидэ эдэ бүхэн үнэн зүб байна гэжэ Бурханай урда Христосой ашаар бата этигэлтэй байнабди. <sup>5</sup> Энэ ажал бүтээхэ аргатайбди гэжэ бидэ өөрынгөө нэрэһээ баталха эрхэгүйбди. Бурхан лэ бидэндэ тиимэ арга боломжо үгэжэ байдаг юм. <sup>6</sup> Тэрэл Бурхан бэшээтэй Хуули дээрэ бэшэ, харин Нангин Һүлдэ дээрэ хуури татаһан Шэнэ Хэлсээнэй зарасанар байха боломжо бидэндэ олгоо. Юундэб гэхэдэ, Хуули үхэл асардаг, харин Һүлдэ амидарал үршөөдэг юм.

<sup>7</sup> Шулуун хабтагайнууд дээрэ үзэгүүдээр Хуули хиилэхэдэнь, тэндэнь Бурханай алдар оршоһон юм. Тиин Израилиин арадай харахын аргагүй харгама гэрэлээр Моисейн нюурын гэрэлтэһэн юм. Үхэл асардаг Хуули хүсэндөө байхадаа иимэ ехэ алдар үзүүлдэг байбал, <sup>8</sup> Һүлдэһөө эхитэй юумэн бүришье ехэ алдартай байха бэшэ аал? <sup>9</sup> Гэмнэлгэдэ хүргэжэ байһан юумэнэй алдартай байбал, үнэн зүбтэ хүтэлһэн ябадал бүришье ехэ алдартай байха бэшэ аал? <sup>10</sup> Анхан алдартай байһан юумые мүнөөнэй тон харгама алдартай сасуулбал, тэрэ ямаршье алдаргүй болоо гэжэ хэлэхэдэ болохо. <sup>11</sup> Саг зуура оршодог юумэнэй алдартай байбал, хэтын хэтэдэ оршодог юумэн бүришье ехэ алдартай байха бэшэ аал?

<sup>12</sup> Иимэ эрхим һайн найдалгатай байхадаа бидэ ехэл зоригтой байнабди. <sup>13</sup> Ойр зуурын хүр жабхалангай буурахые Израилиин арадай харахагүйн тула бидэ нюураа бүдөөр хаһан Моисейдэл адли бэшэбди. <sup>14</sup> Үнэхөөрөө тэдэ зоной ухаан бодолынь хаалтатай байгаа. Манайшье үдэрнүүд хүрэтэр Хуушан Хэлсээе уншахадань, үнөөхи хушалтань абтаагүй байна. Гансал Христос тэрэ хушалтые абаха аргатай. <sup>15</sup> Мүнөөдэршье тэдэнэй ямаршье сагта Моисейн Хуули

уншахадань, зүрхэ сэдхэлынь үшөөл хаалтатай байдаг. <sup>16</sup> Зүгөөр тэрэ хушалта хүнэй Дээдын Эзэндэ хандаһан лэ сагтань абтажа хаягдадаг. <sup>17</sup> Дээдын Эзэн – Һүлдэ мүн, тиин Дээдын Эзэнэй Һүлдын оршожо байһан газарта эрхэ сүлөө бии юм. <sup>18</sup> Тиимэһээ бидэ булта хушагдаагүй нюураараа Дээдын Эзэнэй алдарые хаража байнабди. Дээдын Эзэнэй Һүлдэ Дээдын Эзэнэй алдарта бүри ойртуулан маанадые хубилгана.

*Шабар домбо соо байһан баялиг тухай*

**4** <sup>1</sup> Бурханай үршөөл хайраар бидэ иимэ ажал хэнэбди, тиихэдээ урмаа хухарнаггүйбди. <sup>2</sup> Бидэ нюужа байхаар эшхэбтэр хэрэгүүдые хэхээ болёобди, хүниие мэхэлхэ хуурахаяа гү, али Бурханай үгэ хазагайруулхаяа оролдоноггүйбди. Үнэн зүб тухай айладхажа байһыемнай Бурхан гэршэлхэ. Тиимэһээ маанадта этигэжэ найдажа болохо юм. <sup>3</sup> Хэрбээ манай номножо байһан Һайн Мэдээсэл далда байгаа наа, тэрэ гансал хосоржо байһан зондо далда байха. <sup>4</sup> Һүзэглэдэггүй зоной ухаан бодолыень энэ дэлхэйе захиржа байһан нүгэлтэ бурхан харанхы мунхагаар хушаа, тиимэһээ тэдэ балар һохор зон Бурханай дүрэн болохо Христосой алдар тухай Һайн мэдээсэлһээ сасарһан гэрэл туяае хараха аргагүй байгаа. <sup>5</sup> Бидэ өөһэдыгөө номноно бэшэбди, харин Иисус Христосые Дээдын Эзэн байна гэжэ, бидэ Иисусай аша туһада танай зарасанар байнабди гэжэ номнонобди. <sup>6</sup> «Гэрэл туяагай харанхыһаа гэрэлтэхэнь болтогой», – гэжэ Бурхан хэлээ. Мүнөө тэрэл Бурхан манай зүрхэ сэдхэлдэ гэрэлтэжэ, Христосто оршожо байһан Бурханай алдарай мэдээгээр бидэниие гэгээрүүлээ юм.

<sup>7</sup> Бидэ энэ баялиг хадагалһан шабар домбонуудта адли хүмди. Тиимэһээ бодото һүр хүсэн маанадһаа бэшэ, харин Бурханһаа эхи абадаг. <sup>8</sup> Бидэ оло дахин хашуулан зобонобди, гэхэтэй сасуу дарагдаагүй байнабди. Юу хэхээ мэдэхээшье болёод байхадаа бидэнэр урмаа хухардаггүйбди. <sup>9</sup> Олон дайсадтайшье байгаа наа, бидэ нүхэдгүй үлэдэггүйбди. Даруулһаншье байгаа наа, бидэ үхэжэ хосордоггүйбди. <sup>10-11</sup> Иисусай амидаралай маанад соо элирхэйлэгдэхын тула бидэ тэрэнэй түлөө үдэр бүхэн үхэлтэй ушардагбди. Иисусай амидарал манай богони гэнэн амидаралда харагдажа байхын тула бидэ амиды зон тэрэнэй түлөө үхэлтэй ходо ушардагбди. <sup>12</sup> Энэнь үхэл маанад соо, харин амидарал таанад соо ажаллана гэнэн удхатай юм.

<sup>13</sup> «Би хүзэглэһэн ушарһаа хэлээб», – гэжэ Нангин Бэшэгтэ бэшээтэй байдаг. Бидэ тэрэл хүзэгэй хүлдэтэй байжа хүзэглэһэндөө хэлэнэбди. <sup>14</sup> Дээдын Эзэн Иисусые амидыруулһан Бурхан Иисустай хамта бидэниие амидыруулха, тиигээд та бидэниие өөрынгөө урда асаржа байлгаха гэжэ бидэ мэдэнэбди. <sup>15</sup> Эдэ бүхэн таанадай аша туһада хэгдэһэн байна. Тиигэжэл бүри олон зоной Бурханиие магтажа, алдарыень дуудаһан ушарһаань Бурханай үршөөл хайра элбэгжэжэл байха.

*Һүзэг этигэлээрэ амидарха тухай*

<sup>16</sup> Иимэһээл бидэ хэээшье урмаа хухардаггүйбди. Махабад бэсымнай хүнэжэ байбашье һаа, бидэ досоогоо үдэрһөө үдэртэ шэнэлэн бэхижэнэбди. <sup>17</sup> Тиимэ ойро зуурын бэрхэшээл зоболонгууд маанадта угаа ехэ мүнхын алдар асардаг. <sup>18</sup> Харагдадаг юумэнүүд саг лэ зуура оршодог, харин харагдадаггүй юумэнүүд хэтын хэтэдэ оршодог. Тиимэһээл бидэ харагдадаг юумэнүүдтэ хандуулха бэшэ, харин харагдадаггүй юумэнүүдтэ анхаралаа хандуулнабди.

**5** <sup>1</sup> Манай махабад бэе газар дэлхэй дээрэ байхадаа маанадай ажамидардаг майханда адли юм. Хэрбээ эдэ майхануудаймнай унабал, Бурхан маанадта бултандамнай хүнэй гараар бодхоогдоогүй, тэнгэридэ хэтын хэтэдэ оршожо байха гэр үгэхэ гэжэ бидэ мэдэнэбди. <sup>2</sup> Тэрэ тэнгэрийнгээ гэртэ ажамидарха дуратай байһан дээрэһээ бидэ энэ дэлхэйдэ байха сагтаа ёолонобди. <sup>3</sup> Бидэ тэрэ гэрээ хубсаһандал адляар өөр дээрээ нэмэрээд, нюсэгэн байхагүйе хүсэнэбди. <sup>4</sup> Энэ дэлхэйн майханда ажамидарха сагтаа бидэ дарлалтада ороод байһантай адли ёолонобди. Өөһэдынгөө бэе орхихо дуратай байһандаа бэшэ, харин тэнгэрийн амидаралда хүртэхэ дуратай байһандаа тиигэжэ ёолонобди. Тиигэжэ үхэлые амидарал залгиха юм. <sup>5</sup> Бурхан бидэниие эгээл тэрэ хубилалгада бэлдээд, хэхэ юумэе баталан маанадта өөрынгөө Һүлдые үгөө. <sup>6</sup> Тиимэһээ бидэ ходо урма зоригтой байдагбди.

Бэе соогоо байха сагтаал бидэ Дээдын Эзэнһээ холо байһанаа мэдэнэбди. <sup>7</sup> Бидэ хаража байһан юумэндэ бэшэ, харин хүзэг этигэлдэ найдан ажамидарна ха юмди. <sup>8</sup> Бидэ зоригтой байнабди, эдэ бэенүүдээ орхёод, Дээдын Эзэнтэй гэртэнь байха дуратай байнабди. <sup>9</sup> Тиимэһээ эндэхи гэртээ байха сагтаашье, Дээдын Эзэнэй гэртэ байха үедөөшье бидэ бүхы хүсэ шадалаараа тэрээндэ

хайшаагдаха гэжэ оролдодогбди. <sup>10</sup> Газар дэлхэй дээрэ ябахатаа муу, хайн юумэ хэһэнэйнгээ түлөө шүүлгэхын тула бидэ булта Христосой зарга шүүбэридэ орохо ёһотойбди.

*Бурхантай эбээ нэгэдэхэ тухай*

<sup>11</sup> Дээдын Эзэнһээ айн хүрдэхэнь ямар удхатайб гэжэ мэдэжэ байгаад, бидэ бусад зониие тэрээндэ хандахаар идхаха гэжэ оролдонобди. Бурхан бидэниие бүрин мэдэхэ, тиин таанадшые бидэниие ямархан хүнүүд байһыемнай хайн мэдэнэт гэхэн найдалтай байнаб. <sup>12</sup> Дахин өөһэдыгөө таанадта танилсуулха гэжэ бидэ бодоногүйбди. Харин маанадаар омогорхохо шалтаг таанадта үгэнэбди. Тиимэһээ таанад хүнүүдэй зосоохи байдалаар бэшэ, харин газаахи түхэл шэнжээр омогорходог хүнүүдтэ харюу үгэжэ шададаг байхат. <sup>13</sup> Хэрбээ өөрһөөн гарабал, Бурханай аша туһада бидэ тиидэгбди. Хэрбээ харуул бодолтой байбал, таанадай аша туһада тиимэ байдагбди. <sup>14</sup> Маанадые Христосой хайра дуран захирна, тиин хүн бүхэнэй түлөө нэгэ хүнэй үхэбэл, тэрэ үхэлыень хүн бүхэн хубаалсана гэжэ бидэ мэдэнэбди. <sup>15</sup> Бүхы хүнүүдэй түлөө тэрэ үхөө. Тиимэһээ амиды байһан хүнүүд өөһэдынгөө түлөө ажамидарха бэшэ, харин тэдэнэй түлөө үхөөд амидырһан Христосойл түлөө ажамидарха ёһотой.

<sup>16</sup> Тиимэһээ бидэ энэ саһаа эхилээд хэниешые энэ дэлхэйн заргаар бү шийдхэе. Нэгэтэ бидэ Христосые энэ дэлхэйн заргаар шийдхэнэн байгаабди, мүнөө тиигэхээ болёобди. <sup>17</sup> Христостой нэгэдэнэн хүн бүхэн шэнэ хүнүүд гээшэ: урданай юумэнүүд хүнэгдөөд, бүхы юумэн шэнэдхэгдэбэ. <sup>18</sup> Эдэ бүхы юумэнүүдые Бурхан бүтээгээ. Тэрэ маанадтай эбээ нэгэдхүүлхын тула Христосые эльгээгээ, тиин эб нэгэдхүүлхэ тухай номнохые маанадта даалгаа. <sup>19</sup> Бурхан Христос соо оршожо, энэ дэлхэйн зонтой эбээ нэгэдхээ, нүгэлнүүдыень хүлисөө. Тиигээд эб нэгэдхэхэ тухай мэдээсэлээ маанадта даалгаа.

<sup>20</sup> Бидэ Христосой нэрээр эльгээгдэнэн байгаабди, тиин Бурхан бидэнэрээр дамжан таанадта гуйн хандана. Бурхантай эбээ нэгэдхэгты гэжэ бидэ Христосой нэрээр таанадые гуйнабди. <sup>21</sup> Бурхан маанадай түлөө ямаршые нүгэлгүй байһан Христосто манай нүгэлнүүдые ашаа. Тиигэжэ бидэ Христостой нэгэдэн, Бурханда зохистой болообди.

**6**<sup>1</sup> Бурханай буян хэшэгыг дэмы бү абагты гэжэ бидэ Бурхантай хамта ажаллажа байһан ушарһаа таанадыг гуйнабди.

<sup>2</sup> *«Саг болзорой болоходо,  
Би шамайе дуулаа хүм,  
Шамайе абарха үдэрэй ерэхэдэ,  
Би шамда тунхалаа хүм», – гэжэ Бурхан хэлээ.  
Эгээл тэрэ саг болзор болобо, шамайе абарха тэрэ үдэр ерэбэ.*

<sup>3</sup> Ямаршыг зондо бэрхэшээлнүүдыг ушаруулхаяа бидэ оролдоногүйбди, тиимэһээ хэжэ байһан ажалдамнай алдуу дутагдал олохо шалтаг бидэ хэндэшыг үгэнэгүйбди. <sup>4</sup> Ямаршыг юумэ хэхэдээ бидэ тохёолдоһон бэрхэшээл зоболонгуудыг, дутагдал дундануудыг, хүшэр байдалыг даруу номгоноор дабажа гаран, өөһэдыгөө Бурханай үнэн зарасанар гэжэ харуулнабди. <sup>5</sup> Бидэ сохюулһан, түрмэдэ һууһан, хүрэг зондо дайруулһан байгаабди. Бидэ аргагүй ехээр ажалладаг, амаралта нойргүй, эдээ хоолгүй ябадаг һэмди. <sup>6</sup> Бидэ арюун сэбэр, мэдэлгэтэй, тэсэбэритэй, үршөөл буянтай байдагбди. Нангин Һүлдэ маанадтай оршодог, тиин хайра дуран үнэн зүрхэнһөөмнай гарадаг. <sup>7</sup> Бидэ үнэн зүбгыг хэлэдэгбди, Бурханай хүр хүсэн манаар дамжан ажалладаг юм. Үнэн сэдхэлһай – манай добтолхошыг, бээ хамгаалхашыг хуяг дуулга мүн. <sup>8</sup> Бидэ нэрэ хүндэтэйшыг, нэрэ хүндэгүйшыг ябаабди, магтаалдашыг, хараалдашыг хүртэжэ байгаабди. Үнэн зүбгыг хэлэжэ байһаншыг һаа, бидэ худалшад мэхэшэдшыг гэжэ тоологдодог байгаабди. <sup>9</sup> Хүнүүдтэ танигдахагүй шэнги аад лэ, хүн бүхэндэ мэдээжэбди. Үхэжэ байһан шэнги үзэгдэһэн аад лэ, мүнөөшыг болотор амиды байнабди. Хэхээлгэжэ байһаншыг һаа, үхэлэй саазада хүртөөгүй байнабди. <sup>10</sup> Зобожо байһаншыг һаа, бидэ ходо баяртай байдагбди; үгытэй ядуушыг һаа, олон хүнүүдыг баян болгодогбди; ямаршыг юумэгүй байһан шэнги аад, үнэндөө бидэ бүхы юумэнэй эзэдынь гээшэбди.

<sup>11</sup> Коринфынхид, бидэ таанадта сэхыень хэлэнэбди, зүрхэ сэдхэлһай нээлтэтэй байна. <sup>12</sup> Манай зүрхэ сэдхэл таанадта хаалтатай бэшэ, харин танай зүрхэ сэдхэл таанадта хаалтатай байна. <sup>13</sup> Маанадай таанадта хандажа байһандал адляар таанад маанадта хандагты, зүрхэ сэдхэлээ таанадта нээгты гэжэ үхибүүдтээ хэлэндэл адляар таанадта хэлэнэб.



*Амиды Бурханай Һүмэ*

<sup>14</sup> Дээдын Эзэндэ хүзэглэдэггүй зоние бү нажаагты. Зүб юумэн буруу юумэнтэй хамта байжа шадаха аал? Яажа гэрэл туяа шэб харанхытай хамта оршожо шадахаб? <sup>15</sup> Яажа Христос Шолмостой эбтэй эетэй байжа шадахаб? Яажа хүзэгтэй зон хүзэггүй зонтой эблэржэ шадахаб? <sup>16</sup> Яажа Бурхан Һүмэ онгонуудта хамаатай байхаб? Бидэл амиды Бурханай Һүмэ гээшэбди. Бурхан өөрөө иигэжэ хэлээ юм:

*«Өөрынгөө хүнүүдэй дунда би гэр бодхоохоб,  
Тиигээд тэдэнэйнгээ дунда оршожо байхаб,  
Тэдэнэйнгээ Бурханинь байхаб,  
Харин тэдэнэр минии арад болохо».*

<sup>17</sup> *«Тиимэхээ тэдэ хүзэггүй зоной оршолоние орхижо,  
Тэдэ зонһоо холодогты.  
Сэбэр бэшэ юумэндэ бү хүрэгты,  
Тиигэбэл би таанадые найшаахаб.*

<sup>18</sup> *Би танай Эсэгэтнай болохоб,  
Таанад минии хүбүүд басагад болохот гэжэ  
Бүрин хүсэтэй Дээдын Эзэн хэлэнэ».*

**7** <sup>1</sup> Нүхэдни, Бурхан эдэ найдуулгануудаа маанадта үгөө юм. Тиимэхээ бэеыемнай, хүнэнэ хүлдыемнай бузарладаг юумэнүүдхэ өөһэдыгөө сэбэрлэл, Бурханда хүгэдэн, гүйсэд арюун нангин байял.

*Павелай баярлаһан тухай*

<sup>2</sup> Маанадта дуратай байһанаа харуулыг даа. Бидэ хэниешье мэхэлээгүйбди, хэниешье дээрмэдэн хоһолоогүйбди, хэн дээрэшье баяжаха гэжэ оролдоогүйбди. <sup>3</sup> Таанадые зэмэлхэ ханаатайгаар энээнине хэлэнэ бэшэб. Амидышье, үхэнэнье байбалнай илгаагүй таанад хододоо манай зүрхэ сэдхэл соо байнат гэжэ түрүүн би хэлээ хэнби. <sup>4</sup> Би таанадта аргагүй ехээр найдажа байнаб, таанадаар аргагүй ехээр омогорхожо байнаб. Бүхы бэрхэшээл зоболонгуудтаа би ехэл урма зоригтой, аргагүй баяр жаргалтай байнаб.

<sup>5</sup> Юундэб гэхэдэ, Македонишье ерээд бидэ амархые мэдээгүй хэмди. Тэндэ маанадтай элдэб янзын бэрхэшээлнүүд ушараа, бидэ дайсадтайгаа тулалдажа, досоогоо айн хүрдэнэ юумэд байгаабди. <sup>6</sup> Харин сэдхэлээрээ унаһан зоние урмашуулдаг Бурхан маанадта Титые эльгээжэ урмашуулаа. <sup>7</sup> Бидэ гансал тэрэнэй ерэхэдэ баярлаа

бэшэбди, харин таанадай тэрэниие урмашуулхан тухай дуулаад аргагүй баярлаа хүмди. Таанадай намайе аргагүй ехээр харахые хүсэжэ байһан тухай, уйдажа шаналжа байһан тухай, намайе ехээр анхаржа бодожо байһан тухай Тит маанадта хөөрөө юм. Тиимэһээ би бүришые ехээр баярлаһан жаргаһан байгааб.

<sup>8</sup> Минии бэшэгэй таанадые уйдуулһаншые байбал, би халагланагүйб. Түрүүн халаглан байгааб, тиигээд тэрэ бэшэгни таанадые ойро зуурал уйдуулаа гэжэ харабаб. <sup>9</sup> Мүнөө би таанадые уйдуулһандаа баярлана бэшэб, харин тэрэ уйдхарай таанадые Бурханда хандуулһанда баярланаб. Тэрэ уйдхарыетнай Бурхан ашаглаа, тиин бидэ таанадта ямаршые гэм хүргөөгүйбди. <sup>10</sup> Бурханай ашаглан уйдхар зүрхэ сэдхэлые хубилган абаралгада хүтэлдэг, тиин энээн тухай халаглахын хэрэггүй. Харин юрын уйдхар үхэл асардаг юм. <sup>11</sup> Бурхан танай уйдхартай юу хээб, харыт: таанад ехэл оролдосотой болоот, гэм зэмэгүй байһанаа тон нарин нягтаар хамгаалдаг болоот, ямар уур сухалтай байбат, ямараар гайхажа ханабат, ямар хэшээл оролдосотой болобот, буруутаһан зониие хэхээхэдэ бэлэн болобот! Энэ хэрэгтэ алишые талаһаа алдуу дутагдал гаргангүй өөһэдыгөө харуулбат.

<sup>12</sup> Тиимэһээ би тэрэ бэшэгээ бэшэһэншые байбал, доромжолһон хүнэй гү, али доромжолуулһан хүнэй тулада бэшээгүй хүнби, харин маанадта хэды анхарал хандуулжа байһыетнай Бурханай урда таанадта тайлбарилхын тула бэшээ хүнби. <sup>13</sup> Эдэ бүхы ябадалаар бидэ ехэл урмашаабди.

Энэ урмандамнай нэмэжэ Тит өөрынгөө баяраар бидэниие үшөө ехээр баярлуулаа. Таанад булта Титэй һанал бодолые заһаа юм байнат. <sup>14</sup> Би тэрэнэй урда таанадаар бахархааб, тиин таанадшые намайе эшээжэ улайлгаагүйт. Бидэ таанадта ходо үнэн зүбые хэлэжэ байдагбди, тон тиигэжэл мүнөө Титэй урда таанадаар бахархаһан ябадални үнэн зүб юм. <sup>15</sup> Захяа заабаринуудыень дүүргэхэдэ бултанайтнай бэлэн байдагые, хүндэлэн тэрэниие уггажа абадагые һанан, тэрэ таанадта бүрил һайн болоно. <sup>16</sup> Таанадта бүрин найдажа болохо байһандаа би ехэл баяр жаргалтай байнаб.

*Иерусалимай хүзэглэгшэдтэ туһалха тухай*

**8** <sup>1</sup> Аха дүүнэрнай, Бурханай үршөөл хайра Македониин хүзэглэгшэдэй бүлгэмүүдтэ ямар юумэ бүтээһые таанадта дуулганабди. <sup>2</sup> Тэдэнэр бэрхэшээл зоболонгуудаар ехэтэ туршуулһаншые һаа, аргагүй ехэ баяртай байдаг. Тэдэнэр үгытэй ядуу байһаншые һаа,

үгэхэдөө аргагүй баян бардам байгаа. <sup>3</sup>Тэдэнэр шадаха зэргээрээ, бүри шадахааа үлүү ехээр үгөө гэжэ би гэршэлнэб. Өөһэдынгөө хайн дураар тиигээ юм. <sup>4</sup>Иерусалимай хүзэглэгшэдтэ туһалха ханаатайгаар тэдэнэр маанадые аргагүй ехээр гуйһан байна. <sup>5</sup>Тэдэн-һээ хүлээжэ найдажа байһанһаамнай үлүү юумэ тэдэнэр хэһэн юм. Тэдэнэр өөһэдыгөө түрүүн Дээдын Эзэндэ үргэбэ, һүүлдэнь Бурханай эрхэ хүсэлөөр маанадташые үргэбэ. <sup>6</sup>Тиимэһээ бидэ танайда хэжэ эхилһэн буянта ажалые түрүүн түгэсыш даа гэжэ Титые гуй-бабди. <sup>7</sup>Таанад хүзэг этигэлээрээ, үгэ хүүрээрээ, мэдэлгээрээ, оролдосоороо, маанадта хандуулһан хайра дураараа аргагүй баян бардам хүнүүд гээшэт. Тиимэһээ энэшые үлзы хайн ажалаа хэнһээшые үлүү хайнаар дүүргэхыетнай хүсэнэбди.

<sup>8</sup>Би таанадые захирнагүйб, гэхэтэй сасуу бусад зоной аргагүй ехээр туһалха дуратай байһые харуулан, хайра дурантнай гүнзэгы аа гү гэжэ туршанаб. <sup>9</sup>Таанад манай Дээдын Эзэн Иисус Христосой үршөөл хайрые мэдэнэ ха юмта. Тэрэ баян байһан аад, танай аша туһада үгытэй ядуу болоо. Өөрынгөө үгытэй ядуу байдалаар тэрэ таанадые баяжуулаа.

<sup>10</sup>Таанадта ханалаа хэлэхэ ханаатайб. Үнгэрһэн жэл эхилһэн юумээ мүнөө дүүргэбэлтнай таанадта хайн лэ байха һэн. Таанад гансал хэхэдээ бэшэ, харин хэхэ гэжэ шиидэхэдээшые эхи табигшад һэнта.

<sup>11</sup>Харин мүнөө ажалаа гүйсэдхэгты. Шадаха зэргээрээ туһаламжа хүргэбэл, таанад үгэхэл гэжэ байһанаа үгэбэт гэжэ баталхат. <sup>12</sup>Туһалхые аргагүй хүсэжэ байбал, таанад өөһэдтөө байхагүй юумэнһээ бэшэ, харин байһан юумэнһээ үгэхэт гэжэ Бурхан хүлээнэ ха юм.

<sup>13</sup>Би танай ажамидарал хүшэр хүндэ болгон, бусад зоной ажамидарал хүнгэлхэ гэжэ оролдоногүйб, харин нэгэ жэгдэ байлгахын тула тиигэнэб. <sup>14</sup>Мүнөө сагта таанадта элбэг дэлбэг байһан юумэн дуталдажа байһан зониие дэмжэхэ, харюудань тэдэ зон үлүү юумэтэй болоходоо дуталдахадатнай таанадтай хубаалсаха. Тиигэжэ булта нэгэ жэгдэ байха юм. <sup>15</sup>«Ехэ юумэ суглуулһан хүн үлүү юумэгүй байгаа, харин үсөөн юумэ суглуулһан хүн дутагдалгүй байгаа», – гэжэ Нангин Бэшэг соо бэшээтэй байдаг ха юм.

*Тит ба тэрээнтэй хамта ажаллагшад тухай*

<sup>16</sup>Бидэндэл адляар таанад тухай бодожо байха боломжо Тидтэ олгоһон Бурханда баяр баясхалан хүргэнэб. <sup>17</sup>Тэрэ гансал манай гуйлтаар таанадта ошоо бэшэ, харин таанад тухай аргагүй бодожо

байһан ушарһаа өөрынгөө һайн дураар таанадта ошохо гэжэ шийдээ юм. <sup>18</sup>Тэрээнтэй хамта бидэ Һайн Мэдээсэл номноһонойнгоо түлөө бүхы хүзэглэгшэдэй бүлгэмүүдтэ магтаалда хүртэжэ байһан хүзэглэгшэ дүүгээ ябуулжа байнабди. <sup>19</sup>Тэрээнһээ гадна хүзэглэгшэдэй бүлгэмүүд тэрэ хүниие замаймнай нүхэр боложо, буянта хэрэгээ бүтээхэдэмнай маанадта туһалхаар һунган табяа юм. Энэ ажалаа бидэ Дээдын Эзэнэй алдарай тулада ба Иерусалимда ажамидардаг тэрэнэй хүнүүдтэ аргагүй ехээр туһалха дуратай байһанаа баталан дүүргэнэбди.

<sup>20</sup>Маанадта даалгаһан элбэг баян үргэлэй түлөө хэншые маанадые шүүмжэлхэгүйн тула бидэ тэрэниие эльгээжэ байгаа хүмди. <sup>21</sup>Ушарынь хэлэхэдэ, бидэ гансал Бурханай урда бэшэ, харин хүн зоной урда үнэн зүб юумэ хэхэ гэжэ оролдонобди.

<sup>22</sup>Үнөөхи хоёр дүүнэрһээ гадна бидэ оло дахин туршуулһан, таанадта аргагүй этигэжэ байһан дээрэһээ тон ехээр туһалха дуратай байһан үшөө нэгэ дүүгээ ябуулнабди. <sup>23</sup>Тит тухай хэлэбэл, тэрэ минии нүхэр, намтай хамта таанадта туһалдаг юм. Тэрээнтэй ябаһан нүгөө хүзэглэгшэ дүүнэр тухай хэлэбэл, тэдэнэр хүзэглэгшэдэй бүлгэмүүдэй түлөөлэгшэд, Христосые алдаршуулагшад гээшэ. <sup>24</sup>Тиимэһээ хүзэглэгшэдэй бүлгэмүүдэй мэдэжэ байхаарнь тэдэндэ өөһэдынгөө хайра дурые харуулагты, манай бахархал байһанаа баталагты.

*Юумээр дуталдаһан хүзэглэгшэдтэ туһалха тухай*

**9** <sup>1</sup>Иерусалимда ажаһуудаг Бурханай хүнүүдтэ туһалха дэмжэхэ тухай таанадта дахин һануулха хэрэггүй байха. <sup>2</sup>Таанадай туһалха дуратай байһан тухай би мэдэнэб, тиин Македониин хүн зоной урда би таанадаар бахархаа хүм. «Ахайяын хүзэглэгшэд үнгэрһэн жэлһээ хойшо туһаламжа үзүүлхэдэ бэлэн байна», – гэжэ би хэлээ хүнби. Тиигэжэ танай зүдхэмжэ тэдэнэй олониинь үргэл хэхэдэ баһал зүдхүүлһэн байгаа. <sup>3</sup>Тиигэжэл таанадые магтаһан үгэнүүдни хооһон үгэнүүд байшахагүйн тула би хүзэглэгшэ дүүнэрээ таанадта ябуулаа хүм. Харин минии хэлээшээр таанад туһаламжынгаа мүнгэ бэлдээд байгаарайгты. <sup>4</sup>Зүгөөр Македониин зоной таанадта ошоходо, тэрэтнай бэлэн байха ёһотой. Үгы һаа, бидэшые, үшөө ехээр таанадые эшэхэ улайха болохолта. <sup>5</sup>Тиимэһээ эдэ хүзэглэгшэ дүүнэрэй намһаа урда ошоод, таанадай амалһан үргэлые эртэнһээ бэлдээд байбал зүб гэжэ би бодооб. Тиигэбэл үргэл туһаламжатнай минии

ерэхэдэ бэлэн болоод, таанадай мүнгөө харамнангүй, хайн дураараа элбэг дэлбэгээр үргэһыетнай харуулхал.

<sup>6</sup> Багаар тариһан хүн бага ургаса абаха, ехээр тариһан хүн ехэ ургаса абаха гэжэ таанадта хануулжа хэлэнэб. <sup>7</sup> Хүн бүхэнтнай дурагүйгөөр гү, али баалалтаар юумэ бү үргэг, харин ханаандаа шиидэһэн зэргээр лэ үгэг. Бурхан баяртайгаар үгэжэ байһан хүндэ дуратай байдаг ха юм. <sup>8</sup> Бурхан таанадта хэрэгтэй юумэнһээ үлүүшье үгэжэ шадаха, тиимэһээ таанад ходоодоо өөһэдтэтнай хүрэхэ, үшөө элдэб янзын буянтай хэрэгүүдые бүтээхэдэ хүрэхэ юумэтэй байхат.

<sup>9</sup> *«Тэрэ үгытэй дуталдаһан зондо*

*элбэг дэлбэгээр үгөө юм,*

*Тэрэнэй бардам гар*

*хэтын хэтэдэ оршоожо байгаа юм», — гэжэ*

*Нангин Бэшэг соо Бурхан тухай бэшээтэй байдаг.*

<sup>10</sup> Тариха таряа, эдихэ хилээмэ үгэдэг Бурхан таанадта хэрэгтэй таряа, мүн бардам гарһаатнай баян ургаса үгэхэ. <sup>11</sup> Тиигээд таанадай ямаршье юумэ үгэхэдэ бардам гартай байхынтнай тула тэрэ таанадые бүхы юумээр баяжуулжа байха, тиимэһээ маанадай бадар хубаахада олон зон Бурханда баяр баясхалан хүргэжэ байха. <sup>12</sup> Юундэб гэхэдэ, энэ буянтай албатнай гансал Иерусалимда ажаһуудаг Бурханай хүнүүдэй дутагдалнуудые хангадаг бэшэ, харин олоной дунда Бурханда баяр баясхалан хүргэхэ дурыень халяадаг юм. <sup>13</sup> Таанадай Христос тухай мэдээсэлые баримталжа байһые, тэрэнэ баталан өөһэдтэйн болон бусад зонтой бардам хубаалсажа байһые хараһандаа тэдэ Бурхание алдаршуулна. <sup>14</sup> Тиимэһээ таанадаар дамжан Бурханай бүтээһэн үршөөл хайрын түлөө тэдэ зон таанадта ехэ хайнаар хандажа, хойноһоотнай зальбаржа байдаг юм. <sup>15</sup> Үнэлшгүй бэлэгэйн түлөө Бурханда баяр баясхалан хүргэел!

*Павел Христосой түлөө хэжэ байһан ажалаа хамгаална*

**10** <sup>1</sup> Таанадтай байхадаа даруу номгон, таанадһаа холо болоходоо таанадта хатуу шэрүүн гүүлэгдэдэг би Павел таанадые Христостой адли даруу номгон, энхэргэн зөөлэн зангаар гуйнаб. <sup>2</sup> Таанадта ошоходоо хатуу шэрүүн үгэнүүдые хэрэглэхгүй байхыемни хэшээгээрэйгты. Зүгөөр маанад тухай өөдөгүи һула зон гэдэг нобшонуудта би заабол хатуу шэрүүн үгээ хэлэхэб. <sup>3-4</sup> Бидэ энэ дэлхэйдэ ажамидаржа байбашье, тулалдаанда хэрэглэдэг буу зэбсэгүүдые хубиингаа ашагта хэрэглэдэггүйбди. Бидэ тэдэ зэбсэгүүдэй хүсэ Бурханай

аша туһада хэрэглэнэбди: хэрэмнүүдые хандаргадагбди, ама хэрүүл зогсоодогбди, <sup>5</sup> Бурхание мэдэрхэдэ хаалта болоһон элдэб янзын бэрхэшээлнүүдые усадхадагбди, Христосой мэдэлдэ оруулхаар бүхы ханал бодолнуудые эзэлдэгбди. <sup>6</sup> Тиигээд Христосой мэдэлдэ бүрин ороходотнай, тэрэнэй захяануудые зүршэһэн ябадалнуудыетнай бултыень хорин хэһээжэ байхабди.

<sup>7</sup> Таанад юумэнүүд тухай гансал гадаада талаарнь тухайлнат. Христосой мэдэлдэ байнаб гэхэн бата этигэлтэй хүн өөртэйнь тон адляар Христосой мэдэлдэ бидэнэйшье байһые мэдэрхэ ёһотой. <sup>8</sup> Таанадые хандарган хосороохын тула бэшэ, харин һэргээн бодоохын тула Дээдын Эзэнэй маанадта үгэһэн эрхэ засаг тухай хэтэрхэй ехээр һайрхабашье, би эсэсэй эсэстэ ходо үнэн зүбые хэлэжэ байхаб. <sup>9</sup> Тиихэдэ гансал бэшэг соогоо таанадые айлганаб гэжэ бү бодооройгты. <sup>10</sup> «Павелай бэшэгүүд хатуу, шэрүүн байдаг, харин маанадтай байхадаа тэрэ өөрөө зөөлэн, үгэнүүдыншье энхэргэн байдаг», – гэжэ таанадай зариман хэлэһэн байна. <sup>11</sup> Тиигэжэ хэлэһэн хүнүүд иимэ юумэ ойлгохо ёһотой: таанадтай байхадаашье би бэшэгтээ бэшэһэн ёһоороол болохоб.

<sup>12</sup> Өөһэдыгөө һайрхажа танилсуулдаг зонтой бидэ өөһэдыгөө зэргэсүүлхээ гү, али сасуулхаяа зүрхэлхэгүй байнабди. Тэдэнэр ямар тэнэгүүд гээшэб! Тэдэнэр өөһэдыгөө өөһэдынгөө хэмжүүрээр хэмжэнэ, өөһэдыгөө өөһэдынгөө зарга шүүбэрээр шүүбэрилнэ. <sup>13</sup> Зүгөөр бидэ Бурханай маанадта тогтооһон хэмжээ хэтэрүүлнэгүйгөөр өөһэдыгөө магтахабди. Тэрэ тогтоогдоһон хэмжээндэ танай дунда ажаллахамнай баһа оролсоно. <sup>14</sup> Тиимэхээ Христос тухай Һайн Мэдээсэлтэй таанадта ерэхэдэ бидэ маанадай ажаллажа байха ёһотой хилые зүршөөгүй хүмди. <sup>15</sup> Тиигээд бидэ Бурханай маанадта тогтооһон хилын саана ажаллажа байһан бусад зоной ажалаар һайрханагүйбди. Харин танай хүзэг этигэлэй бэхижэхэдэ таанад Бурханай тогтооһон хэмжээ хэтэрүүлэнгүй маанадые һайрхан магтахат гэжэ найданабди. <sup>16</sup> Тиигэжэ бидэ ондоо хүнэй хэһэн ажалаар һайрхангүй, таанадһаа гадуур бусадшье оронуудаар Һайн Мэдээсэлые номнохо аргатай байхабди.

<sup>17</sup> «Һайрхаха дуратай хүн Дээдын Эзэнэй бүтээһэн ажалаар лэ һайрхаг!» – гэжэ Нангин Бэшэг соо бэшээтэй байдаг. <sup>18</sup> Өөрыгөө магтаһан хүн бэшэ, харин Дээдын Эзэнэй магтаалда хүртэһэн лэ хүн үнэхөөрөө һайшаагдаба гээшэ.

*Павел ба хуурмаг элшэнэр тухай*

**11** <sup>1</sup>Тэнэг зан гаргахад амни тэсэбэритэй байһайт гэжэ хүсэнэб. Хэрэг дээрээ тиимэл байдаг ха юмта даа. <sup>2</sup>Би Бурхандал адляар таанадта ханаагаа табинаб. Таанадые хүнэй гар хүрөөгүй, арюун басагандал мэтэ гансал хүндэ, Христосто хадамда үгэхэ гэжэ үгөө үгэһэн байнаб. <sup>3</sup>Могой мэхэ гохо гарган Евые яажа мэхэлээ һэм, тон тиигэжэл таанад мэхэлүүлээд, Христосто үнэн сэхэ, арюун сэбэр ханал бодолнуудтнай хубилшахагүй аа гү гэжэ би айнаб. <sup>4</sup>Хэрбээ хэн нэгэнэй таанадта маанадай номноһонһоо ондоо Иисусые номнобол, али маанадһаа тогтоожо абанһаа илгаатай ондоо һүлдые, хайн мэдээсэлые үгэбэл, таанад тэдэниенһе амархан абахаар байна ха юмта.

<sup>5</sup>Тэдэ «агуухэ элшэнэр» гэгдэдэг зонһоо би юугээрээшые дутанагүйб гэжэ бодоноб. <sup>6</sup>Би уран гоё хэлэтэй бэшэб, гэхэтэй сасуу эрдэм мэдэлгэтэйб. Таанад өөһэдөөшые энээниие элдэб ушарнуудһаа тухайлһан мэдэһэн байнат.

<sup>7</sup>Таанадые дээшэнь үргэхын тула өөрыгөө доошонь даража байхадаа, Бурханай хайн Мэдээсэлые түлөөһэгүйгөөр таанадта номноходоо, би буруу юумэ хээ аалби? <sup>8</sup>Ондоо хүзэглэгшэдэй бүлгэмүүдые дээрмэдэн, тэдэнһээ түлөөһэ абажа байгаад, би таанадта алба хэжэ байгааб. <sup>9</sup>Таанадтай байхадаа мүнгөөр дугалдажашые байха сагтаа таанадта ашаан болодоггүй һэм. Македонийһоо ерэнэн хүзэглэгшэд намда хэрэгтэй юумэнүүдые асаржа үгөө һэн. Урдань таанадта ашаан болохогүй гэжэ оролдодогтоол адляар ерээдүйдэшые оролдожо байхаб. <sup>10</sup>Энэ бахархалыемни Ахайяын нэгэшые хүн буляажа шадахагүй гэжэ зосоомни оршодог Христосой үнэн зүбөөр баталан хэлэнэб. <sup>11</sup>Таанадта дурагүй байһандаа иимэ юумэ хэлэнэ аалби? Таанадта аргагүй ехээр дуратай байһыемни Бурхан мэдэхэ юм.

<sup>12</sup>Тэдэ бусад «элшэнэрэй» маанадтайл адли юумэ хэнэбди гэжэ бахархаха боломжогүй байхын тула мүнөө хэжэ байһан юумэеэл хэжэ байхаб. <sup>13</sup>Тэдэ худалша ажалшад, хуурмаг элшэнэр Христосой бодото элшэнэр байһан хэбэр үзүүлдэг. <sup>14</sup>Эндэ гайхалтай юумэн үгы: сатана өөрөөшые гэрэл туяагай эльгээмэлэй дүрэ дүрсэлэн мэхэлдэг ха юм. <sup>15</sup>Тиимэһээ тэрэнэй зарасанарай үнэн зүбэй зарасанарай дүрэ дүрсэлэн, тэдээндэл адляар харагдахада ямаршые гайхамаар юумэн үгы. Эсэстээ тэдэнэр хэһэн юумэнүүдэйнгээл үрэ дүнгые абаха.

*Христосой түлөө Павелай зобоһон тухай*

<sup>16</sup> Хэншые намайе тэнэг байна гэжэ бү бодог гээд дахин дабтажа хэлэнэб. Харин тиигэжэ бодоо юм наа, тэнэгтэхэ, бага зэргэ өөрөөрөө найрхаха боломжо үгыг даа. <sup>17</sup> Тиигэжэ найрхахадаа би Дээдын Эзэнэй ханаһанаар найрхаагүй байһамни мэдээжэ, харин үнэхөөрөө тэнэг байһандал хэлэнэб. <sup>18</sup> Олон хүнүүд уг гарбалаараа найрхадаг, тиин бишые тиигэжэл найрхахамни. <sup>19</sup> Таанад өөһэдөө ехэл сэсэн ухаантай, тиин тэнэг үбэштэй зондо ехэл тэсэбэритэй байдаг ха юмта! <sup>20</sup> Таанадые богоолшолходо гү, али ашаглахада гү, али мэхэлхэдэ гү, али дээрэһээтнай харахада гү, али нюурыетнай альгадахада гү, таанад үнэндөө тэсэбэритэй байдагта. <sup>21</sup> Тиигэжэ өөһэдыгөө абажа ябадаг зөөлэн нуланууд байгаабди гэжэ эшэжэ байгаад хэлэнэб!

Хэрбээ бусадай өөһэдөөрөө найрхахаяа зүрхэлбэл, бишые зүрхэлнэб. Тиихэдэ минии тэнэг байһамни мэдээжэ. <sup>22</sup> Тэдэнэр еврейнүүдбди гэнэ гү? Тиин бишые тиимэб. Тэдэнэр израильшууд гү? Тиин бишые тиимэб. Тэдэнэр Абраһамай үри наһаһад гү? Тиин бишые тиимэб. <sup>23</sup> Тэдэнэр Христосой зарасанар гү? Тиихэдэ би тэдэнһээ үлүү найн зарасань гээшэб. Тиигэжэ үбэштэйрһэндэл хэлэхэмни мэдээжэ. Би тэдэ зонһоо үлүү ехээр ажаллажа, бүри оло дахин түрмэдэ орооб, тоогүй оло дахин ташуурдуулан хэһээлгээд, үхэлэй хажууда байгаа хэнби. <sup>24</sup> Иудейнүүд намайе табан удаа гушан юһе дахин ташуурдаһан байгаа. <sup>25</sup> Гурба дахин намайе модоор сохёо, нэгэтэ найса шулуудаа юм. Гурба дахин би кораблийн хүмэрилгэдэ орооб, нэгэтэ би нэгэ үдэрэй, нэгэ хүниин туршада далайн уһан соо байгааб. <sup>26</sup> Оло дахин аяншалхадаа би аюул оһолдо орожо байгааб: мүрэнүүдые гаталхадаа, дээрмэшэдтэй дайралдахадаа, өөрын яһатан зонтой байхадаа, бусад яһатанаар ябахандаа, хотодо ябахандаа, сүл губида ябахандаа, далайгаар тамархадаа, хуурмаг хүзэгтэнтэй уулзахадаа аюул оһолдо орожо байгааб. <sup>27</sup> Би ажаллажа, тулин зүдэржэ, нойро зүүдэгүйшые ябааб, үлэн хоһон, эдихэ хоолгүй, ууха ундагүйшые байгааб, хүйтэн нойтондо, нүсэгэн салдаганшые ябааб. <sup>28</sup> Бусад юмэнүүдые тоолонгүй хэлэбэл, би бүхы хүзэглэгшэдэй бүлгэмүүдтэ ханаагаа табиха үдэр бүриин үүргэтэй хүм. <sup>29</sup> Хэн нэгэнэй нулархада, бишые нуларһан шэнги байдагби. Хэн нэгэнэй хорхойтолгодо абтан нүгэл үйлэдэхэдэ, бишые тэрэнэй түлөө сулалдадагби.

<sup>30</sup> Хэрбээ бахархаха ёһотой байбал, минии нула байһыемни харуулһан юмэнүүдээр бахархаха байнаб. <sup>31</sup> Бурхан болон Дээдын



Эзэн Иисусай Эсэгэ хэтын хэтэдэ үрээл магтаалда хүртэжэ байнай: хээээшье худалаар хэлэдэггүй байһыемни тэрэ мэдэхэ. <sup>32</sup> Дамаск хотодо байхадамни Арет хаанай захирагшань намайе барихын тула хотын хаалгыгэ хахижа байгаа һэн. <sup>33</sup> Харин ханада хэгдэһэн нүхөөр намайе түрсүүг соо нуулгаад дошонь буулгаа юм. Тиигэжэ би зугадаһанби.

*Павелай хараһан үзэгдэл тухай*

**12** <sup>1</sup> Найрхахада ямаршье ашаг туһагүй байбалшье, би найрхаха ёһотой байнаб. Зүгөөр мүнөө Дээдын Эзэнэй элирүүлһэн үзэгдэл ба гэршэлгэнүүд тухай хэлэхэмни. <sup>2</sup> Арбан дүрбэн жэлэй саада тээ дээдын гурбадахи тэнгэридэ дэгдүүлэгдэһэн Христосто хүзэглэгшэ хүниие би мэдэхэб. (Үнэхөөрөө тэрэ дэгдүүлэгдэһэн байгаа гү, али үзэгдэл хараһан байгаа гү, би мэдэнэгүйб, гансал Бурхан тэрэниие мэдэхэ). <sup>3</sup> Түрүүн хэлэхэндээл адляар тэрэ хүн үнэхөөрөө дэгдүүлэгдэһэн байгаа гү, али үзэгдэл хараһан байгаа гү, би мэдэнэгүйб, гансал Бурхан тэрэниие мэдэхэ юм. <sup>4</sup> Зүгөөр тэрэ диваажинда дэгдүүлэгдээд, тэндэ дуулгажа болохогүй хээээшье хэлэгдээгүй юумэнүүдые дуулаа юм гэжэ би мэдэнэб. <sup>5</sup> Тиимэхээ би тэрэ хүнөөр бахархахамни, харин өөрынгөө ахир нула байһанһаа бэшэ юумээр бахархахагүйб. <sup>6-7</sup> Хэрбээ бахархахаяа һанабал, би мунхаг тэнэг бэшэ байха һэнби, ушарынь юуб гэбэл, би үнэн зүбые хэлэхэ һэнби. Харин би бахархахагүйб, юундэб гэбэл, минии хараһан олон үзэгдэлнүүдээр бэшэ, харин хэжэ байһан юумэнүүдээрни, хэлэжэ байһан үгэнүүдээрни хүнүүд нам тухай тухайлһай гэжэ бо-доноб.

Агуухэ үзэгдэлнүүдые хараһанаараа бахархажа, дээгүүр үргэгдэхэгүймни тула бөөндэмни үбшэнтэй хадхуур хээтэй: сатанагай эльгээмэлдэл намайе хадхажа туляадаг юм. <sup>8</sup> Би энээн тухай Дээдын Эзэндэ гурба дахин зальбарһан байгааб, тэрэ хадхуурые намһаа абажа хаяхыень гуйһан байгааб. <sup>9</sup> «Минии үршөөл хайрал шамда яһала хангалтатай хүрэхэ, һүр хүсэн ахир нула байхада аргагүй һайнаар элирэн харагдадаг юм», — гэжэ тэрэ намда харюусаа. Тиимэхээ би Христосой хүсэ шадалаар дүүрэхын тулада ахир нула байһанаараа бахархаха ехэл дуратай байнаб. <sup>10</sup> Христосой түлөө ахир нула байхадаа, доромжолуулхадаа, юумээр дутажа ябахатаа, хашуулан мүрдүүлхэдээ, зүдэржэ зобожо ябахатаа би баяртай байдаг хүнби. Ушарынь юуб гэбэл, нулахан байхадаа би хүсэ шадалтай байдаг хүнби.

<sup>11</sup> Би өөрыгөө тэнэг болгооб, зүгөөр тиигэһэмни таанадай зэмэ юм. Таанад нам тухай хайн үгэнүүдые хэлэхэ ёһотой байгаат. Би хэншые бэшэшые хаа, тэдэ «дээдын элшэнэрһээ» юугээрээшые дутанагүйб. <sup>12</sup> Танай дунда байхадаа би бодото элшэн байһанаа баталан үсэд сухаришагүй байгааб, олон гайхамшагта үзэгдэлнүүдые, үйлэ хэрэгүүдые бүтээгээб. <sup>13</sup> Намда мүнгөөр туһалаагүйһөө гадна таанад бусад хүзэглэгшэдэй бүлгэмүүдһээ юугээр доро байгаабта? Таанадта ашаан болоогүй тэрэ гэмыемни хүлисөөрэйт даа.

*Павел Коринфын хүзэглэгшэдтэй гурбадахия уулзана*

<sup>14</sup> Гурбадахия таанадтай ошожо уулзахаяа би бэлэн байнаб, тиихэдээ таанадта ашаан болохогүйб. Би таанадай алта мүнгэ бэдэрнэ бэшэб, харин таанадые өөһэдыетнай бэдэрнэб. Ушарынь юуб гэхэдэ, үхибүүд аба эжыдээ алта мүнгэ суглуулха бэшэ, харин аба эжынь үхибүүдтээ суглуулжа байха ёһотой юм. <sup>15</sup> Би өөрыгөө, намда байһан юумэнүүдээ дууһан баяртайгаар таанадай түлөө үрихэ байнаб. Минии таанадта аргагүй ехээр дуратай байхада таанад намда багаар дуратай байха аалта?

<sup>16</sup> Таанадта ашаан болоогүйб, тэрэ тон зүб, гэхэтэй сасуу мэхэ гохо гарган, хууран таанадые гартаа оруулааб гэжэ таанад хэлэхэдээ болохот. <sup>17</sup> Таанадта ябуулһан хүнүүдэй гараар таанадһаа ашаг олзо олодог байгаа аалби? <sup>18</sup> Таанадта Титэй ошохые гуйгаа хэнби, тэрэнтэй хамта нэгэ хүзэглэгшэ дүүгээ ябуулаа хэнби. Тит таанадһаа ашаг олзо оложо байгаа аал? Тит бидэ хоёр нэгэ хүлдөөр хүтэлүүлэн, нэгэ харгы замаар ябадаг бэшэ хэн аалди?

<sup>19</sup> Таанадай урда бээ хамгаалжа байнабди гэжэ ман тухай таанад саг үргэлжэ бодожо байнат гэжэ би мэдэнэб. Бидэ Бурханай урда Христосой маанадһаа дуулаха дуратай юумыел хэлэнэбди. Тиин, инаг хайрата аха дүүнэрни, маанадай бэшэжэ байһан юумэнүүд таанадай аша туһада бэшэгдэнэ. <sup>20</sup> Таанадта ошоходоо, бидэ бэе бээдээ урмаа таһархагүй гүбди гэжэ айн болгоомжолжо байнаб. Таанадай дунда хэрүүл ама, атаа жүтөө, уур сухал, хэрэлдээ, хардалга, хоблолго, омогорхолго, журамгүй байдал байгаагүй аабза гэжэ айн болгоомжолжо байнаб. <sup>21</sup> Дахинаа таанадта ошоходомни таанадай урда намайе Бурхамни эшээхэгүй аал, тиин урдань нүгэл шэбэлдэ унаад, хэһэн бузар муухай ябадалнуудаа, зальхайралга забхайралгаяа, ташаяан хурисалаа орхижо гэмшээгүй хүнүүд тухай би шаналан уйлахагүй аалби гэжэ айн болгоомжолноб.

**13** <sup>1</sup>Мүнөө гурбадахияа таанадтай уулзахаар ошожо байнаб. «Ямаршые зэмэлэлгэ хоёр гурбан гэршэнэрэй баталжа шадха байбал үнэн болодог», – гэжэ Нангин Бэшэгтэ хэлээтэй байдаг. <sup>2</sup>Дахин ерэхэдээ би урдань нүгэл шэбэл үйлэдэһэн зониие, бусадшые зониие үршөөхэ хүлисэхэгүйб. Хоёрдохийо таанадта ошоходоо би тиигэжэ хэргылээ хэнби. Мүнөөшые таанадай дунда үгы байхадаа дахин дабтажа хэлэнэб. <sup>3</sup>Намаар дамжуулан Христос хэлэнэ гү гэхэн баталалга таанад бэдэрнэт. Тиихэдэ таанадтай харилсахадаа Христос ахир нула бэшэ юм, зүгөөр тэрэ таанадай дунда хүсэ шадалаа харуулжа байгаа юм. <sup>4</sup>Хэрээһэн дээрэ хадуулан саазалуулхадаа тэрэ ахир нула байбашые, Бурханай хүсэ шадалаар амиды ябаа. Тэрээнтэй нэгэдэхэдээ бидэ ахир нуланууд байнабди, тиин тэрээнтэй хамта Бурханай хүсэ шадалаар амиды ябахыемнай таанад харахат.

*Һуушың хэргылэмжэнүүд, мэндэшэлгэнүүд*

<sup>5</sup>Һүзэг этигэлтэй ажамидаржа байна гүт гэжэ өөһэдыгөө шалгагты, өөһэдыгөө туршагты. Иисус Христос таанадай досоо байна гэжэ таанад ойлгоногүй аалта? Ойлгоогүй хаа, таанад шалгалтаа үгөөгүй гээшэт. <sup>6</sup>Харин маанадай шалгалта үгэхэн тухай таанад мэдэхэт гэхэн найдалтай байнаб. <sup>7</sup>Буруу юумэ бү үйлэдэһэйт гэжэ бидэ Бурханда зальбарнабди. Шалгалтаяа баряабди гэжэ харуулхын тула зальбарнагүйбди, харин маанадай шалгалтаяа үгөөгүйшые хаа, таанадай үнэн зүб юумэ бүтээжэ ябахын тула тиигэжэ зальбарнабди. <sup>8</sup>Бидэ үнэн зүбэй урдаһаа юушые хэжэ шадахагүйбди, харин бүхы юумые үнэн зүбэйл түлөө хэнэбди. <sup>9</sup>Маанадай ахир нула байхада, харин таанадай хүсэтэй байхада бидэ баярладагбди. Тиигээд баһал таанадай заһархын түлөө бидэ зальбаржа байдагбди. <sup>10</sup>Таанадта ошоходоо хатуу шэрүүнээр хандахагүйн тула таанадтай байхагүйдөө би эдэ бүхэниие бэшэнэб. Һүүлэй һүүлдэ Дээдын Эзэнэй намда үгэхэн эрхэ засаг таанадые бутарган унагаахын тула бэшэ, харин хэргээн бодхоохын тула үгтөө юм.

<sup>11</sup>Мүнөө, аха дүүнэрни, баяртай! Заһарха гэжэ оролдожо, хэлэһэн юумэнүүдыемни анхаржа, хоорондоо эбтэй эетэй, энхэ тайбан байгыт даа. Хайра дуран ба энхэ тайбан үршөөдэг Бурхан таанадтай оршожо байһай!

Коринфынхидтэ 2-дохи 13

---

<sup>12</sup> Бэе бээе арюунаар таалажа мэндэшэлээрэйт. Бурханай хүнүүд булта таанадта амар мэндые дамжуулна.

<sup>13</sup> Дээдын Эзэн Иисус Христосой үршөөл хайра, Бурханай хайра дуран та бүхэнтэй оршохонь болтогой, Нангин Һүлдэ та бүхэниие нэгэдхэжэ байхань болтогой!